



Universiteti i Prizrenit Univerziteti Prizren Prizren Universiteti "UKSHIN HOTI" FAKULTETI JURIDIK	
Pranuar me dt. 11.01.2024	
Zyra e pranuarit 410	Nr. i protokollit 08/15

K

Fondi për të Drejtën Humanitare Kosovë
Fond za humanitarno pravo Kosovo
Humanitarian Law Center Kosovo

MEMORANDUM BASHKËPUNIMI
ndërmjet
FAKULTETIT JURIDIK TË UNIVERSITETIT "UKSHIN HOTI" PRIZREN
dhe
FONDIT PËR TË DREJTËN HUMANITARE KOSOVË

Prizren, Janar 2024

I

Qëllimi i bashkëpunimit

1. Përmes këtij dokumenti palët bien dakord që të zyrtarizojnë marrëveshjen e bashkëpunimit midis këtyre dy institucioneve, me qëllim të shkëmbimit të përvojave të dy institucioneve në fushat përkatëse.
2. Studentët e Fakultetit Juridik të Universitetit "Ukshin Hoti" Prizren (UUHP) do të përfitojnë njohuri teorike dhe praktike në fushën e Drejtësisë Tranzicionale, nëpërmjet ligjëratave, trajnimeve, vizitave studimore dhe aktiviteteve të tjera të përbashkët në mes të dy Institucioneve.

II

Fusha e Bashkëpunimit

1. Duke pasur parasysh përvojën e Fondit për të Drejtën Humanitare Kosovë (FDHK) në të gjitha projektet e saj, e posaçërisht në projektin "Edukimi Jo-formal mbi Drejtësinë Tranzicionale", FDHK do të mbajë një seri ligjëratash për studentët e Universitetit të Prizrenit mbi temën e Drejtësisë Tranzicionale. FDHK me këtë Memorandum të Bashkëpunimit zotohet se do mbajë një ligjëratë çdo semestër. Me kërkesë të UUHP- së këto ligjërata mund të mbahen edhe më shpesh.
2. FDHK do të organizojë pritjen e grupeve të studentëve të Fakultetit Juridik të UUHP- së në hapësirat e Qendrës së Dokumentimit të Kosovës dhe do të bëjë prezantimin e ekspozitës "na ishte njëherë që kurrë mos qoftë" e cila i kushtohet fëmijëve viktimë të luftës, apo ekspozitave që do i instalojë në të ardhmen.
3. FDHK do të ftojë grupe studentësh nga Fakultetit Juridik i UUHP- së, që të marrin pjesë në debatet e organizuara apo në shfaqjen e veprave të artit (ekspozita, filma dokumentarë etj.) që kanë të bëjnë me temën e Drejtësisë Tranzicionale.
4. Palët nënshkruese mund të propozojnë dhe zbatojnë edhe aktivitete tjera të cilat do jenë në të mirë të studentëve të UUHP.

III

Detyrat e Fakultetit Juridik të UUHP- së

1. Fakulteti Juridik i UUHP- së zotohet se do krijojë kushte dhe hapësirë për përfshirjen e studentëve të vet në aktivitetet e cekura në pjesën II, pikat 1, 2, dhe 3 të këtij Memorandumi të Bashkëpunimit.

IV

Kohëzgjatja

1. Kjo marrëveshje bashkëpunimi hyn në fuqi ditën e nënshkrimit nga të dyja palët dhe zgjat në një afat të pacaktuar, duke u bazuar në vullnetin e lirë të palëve nënshkruese.
2. Marrëveshja e Bashkëpunimit mund të plotësohet dhe ndryshohet në pajtim me vullnetin e të dyja palëve.


Për Fakultetin Juridik- UUHP



Prof. Asoc. Muharrem Faiku
Dekan



Për Fondin për të Drejtën
Humanitare Kosovë (FDHK)



Bekim Blakaj
Drejtor Ekzekutiv

